

Milwaukee Health Department Kev Qhia Txog Rov Qab Qhib Tsev Kawm Ntawv Qib K-12 Rau Xyoo 2021-2022

Cov me nyuam yaus thiab cov neeg ua hauj lwm yuav rov qab mus kawm ntawv thiab ua hauj lwm rau xyoo 2021-2022, Milwaukee Health Department (MHD) yuav muaj kev qhia pab ntxiv kom txo tau tus mob COVID-19 uas pom zoo los ntawm Centers for Disease Control (CDC), WI Department of Health Services (DHS), lwm cov chaw saib xyuas kev noj qab haus huv, thiab peb cov chaw ua hauj lwm hauv zos kom tiv thaiv tsis txhob pub tus mob COVID-19 kis tau nyob rau hauv tsev kawm ntawv.

Xyoo tag los no, tsev kawm ntawv ua hauj lwm tau zoo heev, nrhiav tswv yim los tiv thaiv kom tus mob COVID-19 tsis txhob sib kis. Cov hauj lwm uas yeej npaj thiab mob siab ua txo tau kev sib kib mob COVID-19 nyob rau hauv tsev kawm ntawv. Nyob rau xyoo kawm ntawv 2021-2022, MHD nqua hu cov tsev kawm ntawv kom yeej meem ua ib yam li qhov qub.

MHD lees paub hais tias CDC yog tus thawj tswj nyob hauv txoj kev noj qab haus huv rau cov pej xeem. Peb cov kev pom zoo yog muab los ntawm CDC qhov kev pom zoo ([Guidance for COVID-19 Prevention in K-12 Schools](#)) thiab ntxiv rau lwm cov ntaub ntawv, xws li cov ntaub ntawv qhia nyob rau hauv zos.

Cov ntaub ntawv no muab ua ib qhov kev qhia ntxiv xwb yuav hloov tsis tau cov ntaub ntawv tshiab los yog cov ntaub ntawv hloov tshiab CDC qhia tawm los yog lwm cov kev xaaj los yog cov cai hauv lub xeev los yog hauv zos. Cov neeg siv cov ntaub ntawv no yuav mus saib tau ncaj qha nyob rau hauv CDC cov kev qhia rau tej yam tsis teev rau ntawm no.

Cov Nqi Lus Tseem Ceeb

- Muaj ntaub ntawv hauv zos qhia hais tias cov neeg muaj mob nce lawm.
- Tsis hais kom tsev kawm ntawv xa daim ntawv npaj kom muaj kev nyab xeeb tuaj ua ntej qhib kawm ntawv.
- Kawm nyob hauv tsev los yog kawm ib nrab hauv tsev hos ib nrab saum huab cua tej zaum yuav hauv rau cov neeg uas lawv raug cais mus nyob lawv tus kheej.
- Tsev kawm ntawv yuav tsum muaj tus txheej txheem qhia txog kev nyab xeeb ntawm tus mob COVID-19 nyob rau hauv lawv cov ntaub ntawv qhia ua hauj lwm hais txog kev tswj kab mob sib kis.
- Kev txhaj tshuaj tam sim no yog ib qhov tseem ceeb uas yuav tiv thaiv tau tus mob COVID-19 kom tsev kawm ntawv tsis txhob raug kaw. Txhawb nqa kev txhaj tshuaj yuav pab kom tsev kawm ntawv muaj kev nyab xeeb thaum rov qab qhib kawm ntawv tim ntsej tim muag.
- Kev tiv thaiv tu mob COVID-19 muaj ntau yam tswv yim xws li, sawv daws npog qhov ncauj qhov ntswg, txawm hais tias yeej txhaj tshuaj tag lawm los tsis tau txhaj, yuav ua rau lub tsev kawm ntawv yog ib qhov chaw muaj kev nyab xeeb zoo tshaj plaws rau cov me nyuam kawm ntawv thiab cov neeg ua hauj lwm.

Cov Tswv Yim Yuav Ua Kom Txo Tau Cov Teeb Meem

- **Txhaj tshuaj**
- **Npog qhov ncauj qhov ntswg**
- **Nyob Kom Sib Nrug**

- Tshuaj ntsuam xyuas & Kuaj mob

TXHAJ TSHUAJ

Tsev kawm ntawv yuav tsum txhawb kom txhua tus neeg tsim nyog txhaj tshuaj mus txhaj tshuaj COVID-19 kom tag. MHD yuav pab txhaj tshuaj tau.

CDC hais tias, “Kev txhaj tshuaj yog ib lub tswv yim zoo rau txoj kev noj qab haus huv uas yuav tiv thaiv tau kom tus mob COVID-19 tsis txhob muaj ntxiv lawm. Cov neeg twb txhaj tshuaj COVID-19 tiav tag lawm, qhov ua kom muaj tus tsos mob los yog muaj mob loj yuav tsis muaj ntau lawm.”

Qhov feem pua ntawm cov neeg hnuv nyug 12 txog 15 xyoos hauv lub nroog Milwaukee uas txhaj tshuaj tiav tag lawm tseem nyob qis tshaj 25%. Qhov feem pua ntawm cov neeg hnuv nyug 16 xyoo thiab laus dua nyuam qhuav tshaj 50%. Tsis tas li, feem coob ntawm cov me nyuam kawm ntawv tsis tau tsim nyog txhaj tshuaj lub sij hawm no.

NPOG QHOV NCAUJ QHOV NTSWG

Kev npog qhov ncauj qhov ntswg yog ib lub tswv yim zoo yuav pab tiv thaiv tau kom tus mob COVID-19 tsis txhob kis tau rau cov pej xeem.

Cov tsev kawm ntawv qib K-12 yuav tau muab cov neeg txhaj tshuaj lawm xyaw nrog cov tsis tau txhaj tshuaj rau qhov tsis tau muaj tshuaj COVID-19 txhaj rau cov me nyuam yaus hnuv nyug tis ntau nto 12 xyoos.

Ua raws nraim li CDC txoj kev qhia hloov tshiab, **MHD pom zoo kom tag nrho cov xib hwb qhia ntawv, cov neeg ua hauj lwm, cov me nyuam kawm ntawv, thiab cov qhua hnuv nyug 2 xyoos rov saud npog qhov ncauj qhov ntswg, txawm hais tias lawv twb txhaj tshuaj tag lawm los tsis tau txhaj.** MHD pom zoo ntxiv hais tias tsev kawm ntawv yuav tsum hais kom tag nrho cov neeg tsis tau txhaj tshuaj npog qhov ncauj qhov ntswg.

NYOB KOM SIB NRUG

Nyob kom sib nrug yog ib qhov tseem ceeb heev uas yuav ua tau kom tsis txhob kis tau tus mob COVID-19. Raws li hais, CDC pom zoo kom cov neeg tsis tau txhaj tshuaj nyob kom nrug tsawg kawg 6 feet ntawm cov neeg uas tsis nyob ua ke hauv lawv lub tsev. Tab sis, muaj 2,3 qhov kev [tshawb fawb](#) nyob rau xyoo kawm ntawv 2020-2021 pom hais tias kev kis kab mob COVID-19 tsis muaj ntau pes tsawg nyob rau ntawm cov me nyuam kawm ntawv hauv tsev kawm ntawv uas nyob sib nrug tsawg tshaj 6 feet thaum tsev kawm ntawv siv tej yam kev tiv thaiv pab ntxiv xws li npog qhov ncauj qhov ntswg.

Raws li kev tshawb fawb rau xyoo kawm ntawv 2020-2021, **CDC pom zoo kom tsev kawm ntawv muab cov me nyuam kawm ntawv nyob nrug kom deb tsawg kawg 3 feet nyob hauv chav kawm ntawv, thiab kom cov neeg npog qhov ncauj qhov ntswg txawm hais tias lawv twb txhaj tshuaj tiav tag lawm los tsis tau txhaj, kom tsis txhob kis tau mob.** Yog thaum yeej nyob sib nrug tsis tau tsawg kawg 3 feet lawm, es yuav qhib tsis tau tsev kawm ntawv yog hais tias yuav tau nyob kom sib nrug raws lis hais, nws yog ib qhov tseem ceeb heev uas yuav tau nrhiav ntau txoj kev los nrog tiv thaiv xws li npog qhov ncauj qhov ntswg, kuaj mob, muab cai ua tej pab, ua kom muaj cua fiv tau zoo, ntxuav tes thiab npog nqov ncauj qhov ntswg thaum hnoos thiab txham, nyob hauv tsev thaum muaj tus tsos mob xws li COVID-19,

thiab nquag tus tej chaw kom pab txo tau kev kis kab mob. Qhov kawg no, npog qhov ncauj qhov ntswg Tsis YOG yuav siv los hloov txoj kev nyob kom sib nrug.

MDH txhawb kom muab cov me nyuam cais ua tej pab uas yog ib txoj kev yuav pab txo tau txoj kev kis kab mob, tshwj xeeb thaum yuav nyob tsis tau kom sib nrug li 3 feet.

TSHUAJ NTSUAM XYUAS thiab KUAJ MOB

MHD pom zoo kom cov tsev kawm ntawv tag nrho npaj kom muaj tus txheej txheej los tshuaj ntsuam xyuas thiab kuaj mob tau siv kom kuaj tau cov neeg muaj mob kom sai. Tsev kawm ntawv yuav tsum nco ntsoov hais rau cov me nyuam kawm ntawv thiab cov neeg ua hauj lwm kom tsis txhob tuaj kawm ntawv thaum lawv mob, thiab thaum twg cov me nyuam kawm ntawv los yog cov neeg ua hauj lwm mam rov qab tuaj kawm ntawv tau yuav xyuas seb mob tau ntev npaum li cas, hom tsos mob twg, kuaj mob (lab testing) txog COVID-19 thiab lwm hom mob, thiab seb tus me nyuam kawm ntawv puas tau nyob ze ib tug neeg mob COVID-19. Thov mus saib nyob hauv WI Department of Health Services (DHS) thiab WI Department of Public Instruction (DPI) kom paub ntau ntiv txog kev kuaj mob rau qib k-12.

Yuav pab kom cov tsev kawm ntawv luam thiab tsev kawm ntawv ntiaiv ua tau hauj lwm tsis muaj teeb meem, DHS tau txais ib pob nyiaj los ntawm tsoom fwm los muab kev txhawb rau kev kuaj mob COVID-19 rau cov xib hwb, cov neeg ua hauj lwm, cov me nyuam kawm ntawv, thiab tsev neeg. Muaj ntaub ntawv qhia txog qhov hauj lwm no nyob rau [ntawm no](#).

Kawg no, CDC pom zoo kom **cov neeg twb txhaj tshuaj tiav tag lawm mus kuaj mob 3-5 hnuv tom qab tau nyob ze ib tug neeg xav hais tias muaj mob los yog paub hais tias muaj mob COVID-19 thiab yeej meem npog qhov ncauj qhov ntswg ntiv mus nyob rau hauv tsev uas muaj neeg coob txawm hais tias txhaj tshuaj tiav tag lawm los tsis tau txhaj.**

LUS XAUS

Milwaukee Health Department yuav ua hauj lwm ntiv mus nrog cov tsev kawm ntawv thiab koom tib lub hom phiaj kom pab tau peb cov me nyuam kawm ntawv thiab cov neeg ua hauj lwm kom muaj kev nyab xeeb.

MHD pab neeg ua hauj lwm taug qab cov neeg mob/cov neeg ua hauj lwm saib neeg mob yuav muaj ntaub ntawv rau cov tsev kawm ntawv hais txog COVID-19 yog hais tias lawv muaj lus nug los yog xav tau kev pab.

Cov Ntaub Ntawv No Muab Qhov Twg Los thiab Cov Kev Pab

- American Academy of Pediatrics – [Recommendations for Opening Schools in Fall 2021](#)
- Centers for Disease Control & Prevention
 - o [Guidance for Schools and Child Care Programs](#)
 - o [Interim Public Health Recommendations for Fully Vaccinated People](#)
- Milwaukee Health Department
 - o [Free Community Testing Sites](#)
 - o [COVID-19 Vaccine](#) (mobile vaccination clinic schedule)
- WI Department of Health Services
 - o [COVID-19: K-12 Schools](#)
 - o [COVID-19: K-12 School Testing Program](#)



- [Guidelines for Prevention, Investigation, and Control of COVID-19 Outbreaks in K-12 Schools in WI](#)
- Wisconsin Immunization Program – [Requirements for Schools](#)